

# Eggstoana- Rud

Rudenkirtag Sierning Faschingdienstag 13.2.2024



|   |  |
|---|--|
| <p>1. Griaß Gott, Damen und Herrn,<br/>va Sierng und Nah und Fern.<br/>D'Eggstoana singan heit auf,<br/>gfreut hama si drauf,<br/>soit wer d'Lauser vermissn,<br/>lassn eich recht sche griäßn,<br/>ham gmoant, sie miassn des Jahr,<br/>wiedermoi fiar d'Schui was toa.</p>                      | <p>8. Beim Hans Buchegger ist d'Heizung defekt,<br/>da Großbauer kimmt, voi nett,<br/>ziagt aus beim Einigehn die Schuah,<br/>auf d'Nacht warns weg, wie gibt's dös nur,<br/>geht in die Sockn hoam voi Grant,<br/>da Hans hat eam die Schuah varramt,<br/>stimmt halt do, da Hans, de Laus,<br/>ziagt oan bis auf d'Schuah aus.</p> |
| <p>2. An alle Freizeitsportler z'Siang,<br/>passts guat auf, i tua ned liang,<br/>da Lehner Siegi, alt und schwach,<br/>hat die Jagdprüfung jetzt gmacht,<br/>an Jagdhund legt er si zua,<br/>zwoa, drei Büxn dazua,<br/>weu dahoam, i sags euch bloß,<br/>geht scho lang koa Schuss mehr los</p> | <p>9. Da Brandner Hans is schau,<br/>echt a gscheite Wüdsau,<br/>bei da Todeskreuzung, jössasna,<br/>fährt hundervierzig km/h,<br/>wias blitzt, hat er gwisst,<br/>dass der Zettl wegga ist,<br/>er hat nu Glück ghabt gar,<br/>dass er net recht trawig war.</p>  |
| <p>3. Z'Neukircha da Bauer Nummer eins,<br/>is bei uns Haring Heinz,<br/>baut sein Mais net tiaf gnuat,<br/>dass ern nachidrucka mua(ß),<br/>landläufig ist ja bekannt,<br/>dass Baun an grean Daumen hamd,<br/>do gengan Heinz hams koa Chance,<br/>weil seiner is durch d'Boaz orange.</p>      | <p>10. Dös „Aufgspielt und Gsunga“, vom<br/>Rudenkomitee ausgericht und organisiert, woa,<br/>a volla Erfolg im letzten Jahr,<br/>nur hats halt beim Forsthoft ebn<br/>ab Zehni nix mehr z'Essn gebn.<br/>Wia am Kirta letzts Jahr,<br/>war Kuchi scho um Achte gar,<br/>heit dawischts uns aba nit<br/>ham de Jausn selba mit.</p>  |
| <p>4. Im Willhaben hamma`s glesen,<br/>da Forsthoft ist zum Kaufn gwesn,<br/>guad 6 Millionen, schwarz auf weiß,<br/>is laut Internet der Preis,<br/>aber nach nur oan, zwoa Tag,<br/>woar wieder g'löscht der Eintrag,<br/>grad wia mia 4 ebn,<br/>s'Geld beinanda ghabt hättn.</p>              | <p>11. Jeder Mau(n), der was ist,<br/>baut an Pracht-Bau aus Prestige,<br/>de Ölscheichs in Dubai,<br/>baun Wolkenkratzer nach da Reih.<br/>A da Wolfschwenger, Konsulent,<br/>baut sich in Hilbern a Monument,<br/>nur schaut sei Musiheim, o Graus,<br/>wia a Leichnhalle aus.</p>   |

|   |  |
|---|--|
| <p>5. De Sianga Garde wacht drei Tag,<br/>zu Ostern beim Jesu Grab,<br/>in Uniform stehns da adrett,<br/>mit aufgepflanzten Bajonett,<br/>grad beim Siegi, so a Held,<br/>des Bajonett fehlt,<br/>der hats, so vafressn,<br/>beim Jausna vagesn.</p>                                | <p>12. Da Klubobmann da ÖVP,<br/>in Dörfel Christian kennts eh,<br/>er woa vorigs Jahr beim Kirta,<br/>und hat zuaglost unsre Liada,<br/>gegn Mitternacht is er hoamgfahrn,<br/>weu alle andern bsoffa woan,<br/>ja er vatragt, i wett,<br/>mehr ois jedes Gsangs-Quartett.</p>                                      |
| <p>6. De Klinglmoa Gabi hat grad,<br/>letzts Jahr a Jubiläum ghabt,<br/>mit ihre Goldhaubn machts a Feier,<br/>da woa ea nixi z`teuer,<br/>eingladn warn d` Weiberleit,<br/>zu der großn Festlichkeit,<br/>weil hundert Jahr gibt`s es schau:<br/>ma kennts ea eh a bissal aun.</p> | <p>13. Maria Achathaler, Bürgermeisterin va<br/>Adlwang,<br/>ruaft unsan Buagamoasta an,<br/>ob er`s nach Weyer mitnehma kann,<br/>weils a Versammlung dort ham,<br/>er nimmt sie mit, doch merkt er dann,<br/>die Sitzung geht eam gar nix an,<br/>da Schneckenleitner is nur mehr,<br/>da Maria ihr Chauffeur.</p> |
| <p>7. Da Oliver Schlader, horchts hear,<br/>aus Sierning stammt er,<br/>hat d`Glasnberghüttn grad<br/>oa Jahr in Pacht ghat.<br/>Es san zwar dort alle Gäst,<br/>mit-n Wirt zfriedn gwest,<br/>am Essn und Trinka is`s net glegn,<br/>nur hats zvä „Schnee“ im Summa gebm.</p>      | <p>14. Siang steht unter Schock schon länger,<br/>weu aufgehört ham 2 Sänger,<br/>da Georg Platzer, Siegi Lehner,<br/>va eana de allerschöna(n),<br/>ham aufgehört auf d`Stund,<br/>mia ham studiert, wos woa da Grund,<br/>de Zwoa wern do ned glei aufgeben,<br/>nur weils kurz vorm 80er stehn.</p>               |